

傳瘡

燈花末傳金瘡止血生肉令瘡黑今燭花落有喜事
不爾得錢之兆也

本草

病癰

趙瞿病癰歷年醫不差乃賁糧棄送於山穴中瞿自
怨不幸吁嘆涕泣經月有僊人經穴見而哀之具問
其詳瞿知其非常人叩頭自陳乞命於是僊人取囊
中賜之教其服百餘日瘡愈顏色悅肌膚潤僊人
再過視之瞿謝活命之恩乞遺其方僊人曰此是松
脂彼中極多汝可煉服之長服身轉輕力百倍登危

陟險終日不困年百歲齒不墮髮不白夜卧常見有
光大如鏡抱朴子

脚瘡

有人患脚瘡冬月頓然無事夏月臭爛疼痛不可言
一道人視之曰爾因行草上惹著蛇交遺瀝瘡中有
蛇兒冬伏夏出故疼痛也以生蝦蟇搗碎傅之日三
四換凡三日有一小蛇自瘡中出以鐵鉗取之其病

遂愈

摘青
雜說

黃連愈癬

指揮使姚歡年八十餘鬚髮不白自言年六十歲患

卽死舊有一法或道塗無湯去處卽掬熱土於臍上
撥開作窩子令衆人旋溺於其中以代熱湯亦可
以效解暑用白虎湯竹葉石膏湯之類凡覺中暑急
嚼生薑一大塊冷水送下如已迷悶嚼大蒜一大瓣
冷水送下如不能嚼卽用水研灌之立醒路中倉卒
無水渴甚急嚼生葱二寸許和津同嚥可抵飲水二

升

集驗方

疝痺痺

湧疝

齊郎中令循病衆醫皆以爲瘳入中而刺之淳于意

診之曰湧疝也令人不得前後溲循曰不得前後溲三日矣意飲以火齊湯一飲得前溲再飲大溲三飲而疾愈病得之內所以知循病者切其脉時右口氣急脉無五臟氣右口脉大而數數者中下熱而湧左爲下右爲上皆無五臟應故曰湧疝中熱故溺赤也

氣疝

齊北宮司空命婦出於病衆醫皆以爲風入中病主在肺刺其足少陽脉淳于意診其脉曰病氣疝客於膀胱難以前後溲而溺赤病見寒氣則遺溺使人腹腫出於病得之欲溺不得因以接內所以知於出病

者切其脉大而實其來難是厥陰之動脉也脉來難者疝氣之客於膀胱也腹之所以腫者言厥陰之絡結小腹也厥陰有過則脉結動動則腹腫意即炙其足厥陰之脉左右各一所即不遺溺而溲清小腹痛止即更爲火齊湯以飲之三日而疝氣散即愈

牡疝

安陵阪里公乘項處病淳于意診脉曰牡疝牡疝在膈下上連肺病得之內意謂之慎無爲勞力事則必嘔血死處後蹴踒要壓寒汗出多即嘔血意復診之曰當旦夕死即死病得之內所以知項處病者切其

脉得番陽番陽入虛裏處旦夕死一番一絡者牡疝也意曰他所診期決死生及所活已病衆多頗忘之不能盡識不敢以對

肺消癰

齊章武里曹山跗病淳于意診其脉曰肺消癰也加以寒熱卽告其人曰死不治適其共養此不當醫治法曰後三日而當在妄起行欲走後五日死卽如期死山跗病得之盛怒而以接內所以知山跗之病者意切其脉肺氣熱也脉法曰不平不鼓形弊此五臟高之遠數以經病也故切之時不平而代不平者血

居其處代者時參擊並至乍躁乍大也此兩絡脉
故死不治所以加寒熱者言其人尸奪尸奪者形
小形弊者不當關灸鑱石及飲毒藥也臣意未往診
時齊太醫先診山跗病灸其足少陽脉口而飲之半
夏丸病者卽泄注腹中虛又灸其少陰脉是壞肝剛
絕深如是重損病者氣以故加寒熱所以後三日而
當狂者肝一絡連屬結絕乳下陽明故絡絕開陽明
承陽明脉傷卽當狂走後五日死者肝與心相去五
呎曰五日盡盡則死矣

與姬兄黃長卿家有酒召客召淳于意諸客坐

不上食意望見王后弟宋建告曰君有病往四五日

腰脅痛不可俛仰又不得小溲不亟治病卽入濡

骨及其未舍五臟急治之方今客腎濡此所謂腎痺

也宋建曰然建故有腰脊痛往四五日天雨黃氏諸

倩

倩者女壻也

見建家京下方石

京者舍廩之屬

卽弄之建亦欲

效之效之不能起卽復置之暮腰脊痛不能溺至今

不愈建病得之好持重所以知建病者臣意見其色

大陽色乾腎部上及界要以下者枯四分許故以往

四五日知其發也意卽以柔湯使服十八日而病愈

胃痺

古有患胃痺者心中急痛如錐刺不得俛仰蜀醫爲
胃府有惡血故也遂取生韭數斤擣汁令服之卽果
叶出胃中惡血遂差又蕭炳謂小兒初生宜與韭根
汁灌之吐出惡血長則無病驗韭能歸心氣而去包
中惡氣治胃中也

名醫錄

熱病氣

齊中御府長信病淳于意入診其脉告曰熱病氣也
然暑汗脉少衰不死曰此病得之當浴流水而寒甚
已而熱信曰唯然往冬時爲王使於楚至莒縣陽周

水而莒橋梁頗壞信則擘車轅未欲渡也馬驚卽墮
信身入水中幾死吏卽來救信出之水中衣盡濡有
間而身寒已熱如火至今不可以見寒意卽爲之液
湯火齊逐熱一飲汗盡再飲熱去三飲病已卽使服
藥出入二十日身無病者所以知信之病者切其脉
時并陰脉法曰熱病陰陽交者死切之不交并陰并
陰者服順清而愈其熱雖未盡猶活也腎氣有時間
濁在太陰脉口而希是水氣也腎固主水故以此知
之失治一時卽轉爲寒熱

脾氣

齊丞相舍人奴從朝入宮淳于意見之食閨門外望其色有病氣意卽告宦者平平好爲脉學臣意所意卽示之舍人奴病告之曰此傷脾氣也當至春膈塞不通不能食飲法至夏泄血死宦者平卽徃告相曰君之舍人奴有病病重死期有日相君曰卿何以知之曰君朝時入宮君之舍人奴盡食閨門外平與倉公立卽示平曰病如是者死卽召舍人奴而謂之曰公奴有病不舍人曰奴無病身無痛者至春果病至四月泄血死所以知奴病者脾氣周乘五臟傷部而交故傷脾之色也望之殺然黃察之如死青之茲衆

醫不知以爲大蟲不知傷脾所以至春死病者胃氣
黃黃者土氣也土不勝木故至春死所以至夏死者
脉法曰病重而脉順清者曰內關內關之病人不知
其所痛心急然無苦若加以一病死中春一愈順及
一時其所以四月死者診其人時愈順愈順者人尚
肥也奴之病得之流汗數出灸於火而以出是大風
也

以上
史記

脾痺

有病口甘者土氣之溢也名曰脾痺有病口苦者名

曰膽痺

胃疸

已食如饑者胃疸胃熱則消穀也面腫曰風足脛腫曰水目黃曰黃疸

醫功報應

許學士

許叔微少嘗以登科爲禱一夕夢神告曰汝欲登科須憑陰德叔微自念家貧無力惟醫乃可於是精意方書久乃通妙人無高下皆急赴之旣而所活愈多聲名益著復夢其神受以一詩曰藥有陰功陳樓間虎堂上呼盧喝六作五是年登第六名進士第上一

名陳祖言下一名樓材及注關用升甲恩如第五名授職官以歸與詩中之言無一字差此則濟人之病急者也

聶醫善士

儀州華亭人聶從志良醫也邑丞妻李氏病垂死治之得生李氏美而淫慕聶之貌他日丞往旁郡李僞稱疾使邀之伺其至語之曰我幾入鬼錄賴君復生顧世間物無足以報德願以此身供枕席之奉聶驚懼趣而出迨夜李復盛飾而就之聶絕袖脫去乃止亦未嘗與人言後歲餘儀州推官黃靖國病陰吏逮

入冥證事且還行至河邊見獄吏捽一婦人剖其腹
濯其腸而滌之傍有僧語曰此乃子同官某之妻也
欲與醫者聶生通聶不許可謂善士其人止六十壽
以此陰德遂延一紀仍世世賜子孫一名官婦人減
筭如聶所增之數所以蕩滌腸胃者除其淫也靖國
素與聶善旣甦密往訪之聶驚曰方私語時無一人
聞者而奔來之夕吾獨處室中此唯婦人與吾知爾
君安所得聞靖國具以告聶死後一子登科其孫圖
南紹興中爲漢中雒縣丞屬僊井喻迪孺汝礪作隱
德詩數百言以發潛德此不復載

夷堅志

用詭道以劫流俗

王居安秀才久苦痔疾聞蕭山有善工力不能招致遂命舟自烏程走錢塘舍於靜邨中使人迎醫醫絕江至杭既見欣然爲治藥餌且云請以五日爲期可以除根本初以一藥放下大腸數寸又以一藥洗之徐用藥線結痔信宿痔脫其大如桃復以藥餌調養數日遂安此工初無難色但放下大腸了方議報酬之物病者知命懸其手盡許行囊所有爲酬方許治療又玉山周僅調官京師舊患膀胱氣外腎偏墜有貨藥人云只立談間可使之止約以萬錢及三線之

報相次入室中施一鍼所苦果平周大喜卽如數負金帛而去後半月其疾如故使人訪醫者已不見矣古之賢人或在醫卜之中今之醫者急於聲利率用詭道以劫流俗殆與穴垓挾刃之徒無異予目擊二事今書之以爲世警

田宅編

徐樓臺

當金外科醫徐樓臺孫大郎於紹興八年療溧水縣蠟山富民江舜明背疽因邀謝錢三百千之外復覓銀二十五兩未許遂以紙撚點藥入瘡病甚致斃不一年徐病執哀叫不絕但云舜明莫打我數日死其